



**GIG**  
CYMRU  
**NHS**  
WALES

Bwrdd Iechyd Prifysgol  
Betsi Cadwaladr  
University Health Board

**Ein cyf / Our ref:** MB/LH/786

**Eich cyf / Your ref:**

**☎:** 01248 384910

**Gofynnwch am / Ask for:** Mary Burrows

**Ffacs / Fax:** 01248 384937

**E-bost / Email:** mary.burrows@wales.nhs.uk

**Dyddiad / Date:** 16 Tachwedd/November 2011

Annwyl Gydweithiwr

## **PAR: MAE GOFAL IECHYD YNG NGOGLEDD CYMRU YN NEWID**

Hoffwn gymryd y cyfle hwn i'ch diweddarau ar y cynlluniau lleol rydym yn eu gwneud fel ymateb i'r heriau cyfredol sy'n wynebu'r GIG. Mae'r rhain yn cael eu hadlewyrchu yn nogfen Llywodraeth Cymru 'Law yn Llaw at Iechyd' a rennais gyda chi ar ddechrau Tachwedd. Mae ein cynlluniau yn rhan o ymarfer ymgysylltu ac ymgynghori a fydd yn rhedeg dros y chwe mis nesaf, yn adeiladu ar lawer o'r gwaith ymgysylltu sydd wedi'i wneud hyd yma.

Mae'n bosibl bydd y cynnwys eisoes yn gyfarwydd i rai ohonoch drwy eich ymgysylltiad, ond meddyliais y byddai'n ddefnyddiol dod â'r llinynnau ynghyd a rhoi diweddariad i chi o'r sefyllfa gyfredol.

### **Ein nod**

Y Nod Driphlyg sy'n ein harwain. Mae angen i ni wneud yn siŵr y gallwn gadw'r tair elfen yn gytbwys, sef:

- I wella iechyd y boblogaeth
- I ddarparu profiad ardderchog i gleifion gan ostwng niwed, gwella safonau a gwneud yn siŵr fod gwasanaethau'n ddibynadwy.
- I gynnal neu ostwng ein costau gan ddefnyddio adnoddau cyhoeddus i'r eithaf

### **Yr achos dros newid**

Mae nifer o gyfleoedd ar gael i ni fel Bwrdd Iechyd integredig. Dros y ddwy flynedd diwethaf, rydym wedi adolygu nifer o'n gwasanaethau. Mae hyn yn arwydd bod angen i ni bob amser fod yn ystyriol i ddarparu gwasanaeth diogel o ansawdd uchel nawr ac yn y dyfodol. Arweiniwyd yr adolygiadau hyn gan feddygon a staff clinigol trwy drafodaethau gydag ystod eang o gydweithwyr a phartneriaid. Mae budd-ddeiliaid a grwpiau cymunedol gyda diddordeb mewn gwasanaethau penodol hefyd wedi bod yn gysylltiedig.

Gyda'n gilydd, rydym wedi rhannu ein barn, wedi edrych ar y dystiolaeth ac ystyried profiadau eraill. Mae'r gwaith hwn wedi dangos bod cytundeb eang am yr angen am newid. Rydym hefyd wedi edrych ar syniadau a datrysiadau posibl i'r heriau sy'n wynebu'r GIG.



GIG  
CYMRU  
NHS  
WALES

Bwrdd Iechyd Prifysgol  
Betsi Cadwaladr  
University Health Board

Mae dadansoddiad yn dangos nad yw ceisio cynnal y sefyllfa bresennol er budd pobl Gogledd Cymru ac mae'n rhaid i ni fynd i'r afael â hyn. Er enghraifft, y newyddion da yw bod pobl yn byw'n hirach. Golyga hyn efallai bod arnynt angen gofal mwy cymhleth i gynnal ansawdd y bywyd maen nhw'n ei ddisgwyl. Mae angen i ni ymateb i hynny.

Gwyddwn fod salwch oherwydd lefelau ysmegu a phryderon iechyd cyhoeddus eraill (megis lefelau o ordewdra a gor-yfed) yn creu mwy o alw am ofal, a fydd angen ei ymdrin trwy ymyriadau iechyd cyhoeddus da.

Mae gwyddoniaeth feddygol yn datblygu'n sydyn gyda mwy o driniaethau ar gael, ond ar hyn o bryd nid ydym yn darparu gwasanaeth cyson ar draws Gogledd Cymru sy'n ein caniatáu i ddatblygu i mewn i feysydd eraill o driniaeth ac ymyriad. Mae gennym enghreifftiau ardderchog o ymarfer da, ond mae cleifion yn dweud wrthym am eu profiadau sydd ddim bob amser yn adlewyrchu'r hyn rydym ni'n ei gredu rydym wedi'i ddarparu. Mae canlyniadau triniaeth yn parhau i fod yn amrywiol.

Rydym yn wynebu heriau recriwtio a chadw staff meddygol a chlinigol eraill. Nid yw hyn yn unigryw i ni, ond fe all fod yn anoddach o ystyried ein lleoliad. Mae arnom angen gweithlu gwydn a chynaliadwy all ddarparu'r gofal y maen nhw eisiau ei roi a ddim gwasgaru eu hunain ormod. Mae'r risg i ni i gyd yn rhy uchel os na allwn fynd i'r afael â hyn.

Byddwch hefyd yn ymwybodol fod y sefyllfa ariannol fyd-eang a chyflwr cyllidebau cyhoeddus y DU yn dweud wrthym fod angen i ni fyw o fewn ein gallu. Felly ni allwn barhau i geisio gwneud mwy o'r hyn rydym wastad wedi'i wneud. Nid gweithio'n galetach yw'r ateb. Gyda'n gilydd mae angen trafodaeth agored a gonest ynghylch edrychiad GIG llewyrchus.

Yn atodedig i'r llythyr hwn mae crynodeb o'r adolygiadau hyd yma. Cymerwch yr amser i'w ddarllen.

## **Mae eich ymglymiad yn hanfodol.**

### **Beth mae hyn yn ei olygu**

Gan ein bod eisiau gwella diogelwch ac ansawdd ein gwasanaethau trwy leihau gwastraff, niwed ac amrywiaeth, mae angen i ni roi'r gorau i feirniadu safonau gofal yn nhermau gwelyau ac adeiladau. Yn lle hynny gadewch i ni edrych ar y gwasanaethau a'r canlyniadau iechyd ar gyfer cleifion a defnyddwyr gwasanaeth a ddylai ddiffinio'r gorau o'r GIG.

Mewn argyfwng economaidd byd-eang, mae angen i ni ddefnyddio ein hadnoddau'n fwy effeithiol. Bydd hyn yn golygu y bydd staff y GIG, awdurdodau lleol, y trydydd sector a phartneriaid eraill yn cydweithio i ddarparu gwell gwasanaethau ar gyfer y cymunedau rydym ni'n eu gwasanaethu. Mae'n rhaid i ni herio ein hunain ynghylch sut rydym yn defnyddio arian cyhoeddus i gael y budd mwyaf ohono.

Gall y cyhoedd ac arweinwyr cymunedol ddeall pam bod angen i ni newid ac mae'n rhaid iddynt fod yn rhan o sut bydd hyn yn cael ei wneud yn y dyfodol.



GIG  
CYMRU  
NHS  
WALES

Bwrdd Iechyd Prifysgol  
Betsi Cadwaladr  
University Health Board

### **Beth sy'n digwydd nesaf?**

Bydd y Bwrdd Iechyd yn gofyn i'r timau prosiect i barhau i ymgysylltu gyda chlinigwyr a budd-ddeiliaid i ateb y tair elfen o'r Nod Driphlyg:

- Fyddwn ni'n gwella iechyd y boblogaeth trwy ein syniadau?
- Fyddwn ni'n cwrdd â gofynion diogelwch, safonau, ansawdd a dibynadwyedd a gwella profiad y claf trwy ein syniadau?
- Fyddwn ni'n dangos ein bod yn gallu cynnal a/neu ostwng costau trwy ein syniadau?

Unwaith bydd y syniadau hyn wedi'u mireinio a'u dwyn ynghyd, bydd argymhellion yn cael eu cyflwyno i'r Bwrdd Iechyd i'w trafod. Os bydd newidiadau arwyddocaol i'r ffordd y darperir gwasanaethau yn cael eu hargymell, byddant yn cael eu cyflwyno am ymgynghoriad cyhoeddus llawn yn y Flwyddyn Newydd.

Dyma'ch cyfle chi i fod yn gysylltiedig. Dewch i ymuno yn y ddatl.

Ewch i wefan BIPBC: [www.pbc.cymru.nhs.uk](http://www.pbc.cymru.nhs.uk)

O'r 24<sup>ain</sup> o Dachwedd, e-bostiwch eich sylwadau at:

Cymraeg: [ymunwch@wales.nhs.uk](mailto:ymunwch@wales.nhs.uk)

Saesneg: [jointhedebate@wales.nhs.uk](mailto:jointhedebate@wales.nhs.uk)

Yr eiddoch yn gywir,

**MARY BURROWS**  
**PRIF WEITHREDWR**




## Gwasanaethau Cychwynol a Chymuned

Rydym eisiau i bobl dderbyn gofal o ansawdd uchel yn y lle mwyaf priodol, yn agos at eu cartrefi lle bynnag sy'n bosibl. Pan fydd pobl angen gofal arbenigol, rydym eisiau ein hysbytai i gynnig mynediad cyflym at wasanaethau o'r radd flaenaf.

Gallwn ond gwneud hyn os ydym yn newid y ffordd y darperir gofal, yn yr ysbyty ac yn ein cymunedau. Mae angen i ni ganolbwyntio ar ba wasanaethau y gallwn eu darparu'n lleol, yn ddiogel a chynaliadwy.

I wneud hyn mae angen i ni weithio'n agos gyda Meddygon Teulu a gwasanaethau awdurdod lleol, yn arbennig gofal cymdeithasol. Rydym wedi sefydlu 14 cymdogaeth ar draws Gogledd Cymru, bob un gyda phoblogaeth o 30 – 50,000 o bobl:



Mae'r cymdogaethau hyn wedi'u cytuno gyda'n partneriaid Awdurdod Lleol. Bydd Meddygfeydd MT, timau gofal iechyd cymunedol y Bwrdd Iechyd a staff gwasanaethau cymdeithasol ym mhob cymdogaeth yn cydweithio i ddatblygu gwasanaethau sydd fwyaf priodol i'r ardal a'i phobl. Bydd y rhain yn ein helpu ni i ofalu am fwy o bobl yn eu cymunedau eu hunain a lleihau'r angen i bobl fynd i mewn i'r ysbyty.



Byddwn hefyd yn symud mwy o wasanaethau o'n Hysbytai Cyffredinol Dosbarth i'r gymuned, gan gynnwys gwasanaethau cleifion allanol, gwasanaethau therapi, a phroffion diagnostig.

## Ysbyty Glan Clwyd

Rydym yn ymrwymedig i'r tri ysbyty cyffredinol dosbarth ac mae gan bob un rôl allweddol i ddarparu gofal iechyd. Y cam mawr cyntaf yw cadarnhau ein hymrwymiad i Ysbyty Glan Clwyd trwy geisio cymeradwyaeth o'r Cynllun Busnes Llawn yng nghyfarfod y Bwrdd Iechyd ar y 24<sup>ain</sup> o Dachwedd 2011. Bydd hyn yn golygu buddsoddi oddeutu £90 miliwn i gael gwared â'r asbestos ac adnewyddu'r ysbyty.

Bydd ymgymryd â'r gwaith hwn yn cynnwys stripio llawer o'r hen adeilad yn ôl i'r ffrâm dur. Bydd hyn yn rhoi cyfle unigryw i wella gofal claf a chyflawni gwell effeithlonrwydd trwy ad-drefnu'r wardiau a'r adrannau. Bydd y rhaglen waith yn cymryd tan 2018. Bydd gwaith yr arolygon gwasanaeth yn ein helpu i siapio'r ystod o wasanaethau a ddarperir yn yr ysbyty a sut bydd yn gweithio gydag ysbytai a'n cymunedau yng Ngogledd Cymru.

## Gwasanaethau Mamolaeth, Newydd-eni a Gynecoleg

Dyma'r prif faterion sydd wedi codi o'r trafodaethau hyd yma:

- Mae angen i ni wella gwasanaethau Cychwynnol a Chymunedol i daclo gordewdra, ysmygu, beichiogrwydd ymysg merched yn eu harddegau, pwysau genedigaeth isel a'r niferodd sy'n derbyn sgrinio serfigol;
- Mae angen i ni gryfhau asesiad a gwasanaethau gofal dydd ar gyfer mamau ac yn arbennig ar gyfer mamau hŷn a merched gydag anghenion iechyd cymhleth;
- Mae'r Deondy (y corff sy'n gyfrifol am hyfforddi meddygon) wedi nodi ei fod yn annhebygol y gall Gogledd Cymru gynnal hyfforddiant ar fwy na dau safle ysbyty gyda'r gyfradd genedigaethau cyfredol;
- Rydym eisiau annog mwy o ferched o Ogledd Powys, a'r rhai sy'n defnyddio'r Ysbyty Countess of Chester, i aros yng Nghymru i roi genedigaeth. Gallai hyn olygu y bydd gennym niferoedd digonol o enedigaethau i ddarparu gofal yn fwy lleol ac i ymdrin â phryderon y Deondy ynghylch hyfforddiant.

## Gwasanaethau Iechyd Plant

Dyma'r prif faterion sydd wedi codi o'r trafodaethau hyd yma:

- Mae yna amrywiaeth mewn canlyniadau iechyd plant ar draws Gogledd Cymru sy'n gysylltiedig ag amddifadedd, heriau cymdeithasol ac economaidd
- Mae cefnogi dechreuad da i fywyd yn sail hanfodol i iechyd da gydol oes mewn partneriaeth â mentrau ysgolion iach, mentrau'r nyrs ysgol a phartneriaethau plant a phobl ifanc.
- Mae gordewdra ac ysmygu yn gyffredin iawn ymysg poblogaeth Gogledd Cymru, ac fe all hyn effeithio ar farwolaethau'r newydd anedig, abnormaleddau genedigol a phwysau genedigaeth isel all fod angen derbyn gofal newydd-eni.
- Mae cyfraddau anafiadau mewn plentynod yn llawer uwch mewn rhai rhannau o Ogledd Cymru gyda'r rhan fwyaf o anafiadau i blant 0 – 5 oed yn digwydd yn y cartref. Mae anafiadau gan fwyaf yn achos salwch y gellir ei atal ac mae'n cael effaith fawr ar ddefnydd y gwasanaeth iechyd gan blant a phobl ifanc.



GIG  
CYMRU  
NHS  
WALES

Bwrdd Iechyd Prifysgol  
Betsi Cadwaladr  
University Health Board

## Gwasanaethau Llawfeddygol Cyffredinol

Mae'r adolygiad hwn wedi elwa o ymweliad annibynnol ac adroddiad gan Fwrdd Materion Proffesiynol (Cymru) o Goleg Brenhinol y Llawfeddygon. Mae'r Coleg Brenhinol wedi mynegi barn gyffredinol bod gwasanaethau llawfeddygaeth frys ar hyn o bryd yn is na'r safonau dymunol ledled y DU.

Mae'r prif faterion a godwyd o'r adolygiad o wasanaethau lleol hyd yma yn cynnwys:

- Fel yr amlygwyd ar lefel DU, amrywiaeth mewn cydymffurfiad gyda'r safonau dymunol
- Heriau sy'n deillio o is-arbenigo'r gweithlu meddygol
- Mae'n rhaid i ni ystyried y cysylltiadau rhwng y gwasanaethau. Mae angen gwaith manwl pellach.

## Orthopaedeg

Y prif yrwyr ar gyfer newid o fewn Orthopaedeg dros y 5 mlynedd nesaf yw:

- Rhagolwg o gynnydd o 30% mewn anghenion cleifion
- Cynyddu is-arbenigo clinigol
- Ystod arbenigol a chost cynyddol o ymyriadau
- Ffocws cynyddol ar atal llithriadau, bagladau a chwympiadau

Dyma'r prif faterion sydd wedi codi o'r trafodaethau hyd yma:

- Gwelliannau penodol i lwybrau gofal cleifion, yn enwedig adferiad ac ail-alluogi ar ôl llawdriniaeth sy'n golygu bod cleifion yn gwella'n gynt ac yn treulio llai o amser yn yr ysbyty
- Gwelliannau mewn cynhyrchaeth ac effeithlonrwydd y gwasanaethau gweithredol cyfredol
- Dychwelyd cleifion sy'n cael eu trin yn Lloegr yn ôl i Ogledd Cymru lle mae'n gwneud synnwyr clinigol ac ariannol
- Mae'n rhaid i ni ystyried y cysylltiadau rhwng orthopaedeg, trawma a llawfeddygaeth gyffredinol dewisol. Mae angen gwaith manwl pellach i archwilio'r berthynas rhwng y gwasanaethau hyn.